

泰山志

地 731.4
36.85
部 3:1~10

書名	泰山志		紙
版別	冊數 10	議價章	年
議價	4		月 日
編號	中	字第 251	號

北京市圖書館業同業公會印製

序

昔管子舉封禪之典以告齊桓公蓋以上古質樸未有史策之文朝覲之禮故七十二代之興咸合諸侯於泰山下以定天位因刻石其上以紀有天下之

泰山志

號如後世之脩史也然則刻石之制先於漆書七十二代先於典誥又何論於諸史乎山經地志史家之書也山莫大於泰山史亦莫古於泰山泰山之必當有志重於天下山經地

志遠矣况以我

朝

列聖御蹕時巡登祭之典

天章之富照耀山嶽垂示萬禩哉

前明歙汪子卿作志既詮序

混淆而查志隆之重脩岱史

泰山志

二

宋燾之泰山紀事蕭協中之

泰山小史以及

國朝林杭學之泰山輯瑞集皆

踈略淺陋不之以紀岱宗余

於乾隆五十九年奉

命視學山左試泰安畢登岱覽

其勝又徧拓其金石文字為
金石錄而岱志之舉尚望諸
鴻通博覽之君子休寧金太
守來守泰安訟簡民和歲
時豐稔遂乃窮圖經之幽邃
憫舊志之殘缺實始為脩

志之舉本輯鉸泰山道理記
金石記朱孝純圖志而廣徵
典禮博採貞珉作紀三卷圖
一卷志十卷記五卷叙錄一卷
總為二十卷經始於乾隆乙
卯告成於嘉慶戊午余喜

得其書而盡觀之序述賅
備體例謹嚴兼史家之三
長考地理於平古善乎何
異以古今為經緯為岱宗
勒成一史乎元以愚妄之識
舊為封泰山論一篇今太

守志刊於卷中武斷之論
不足以質當世然為泰山志
藝凡原始或有取焉

嘉慶六年冬至日儀徵阮元序
於浙江節院



序

五岳無古志惟南岳有唐宋人小錄總勝二集中岳如明
人說嵩之屬亦非佳作東岳舊志所存有明嘉靖時汪子
卿撰本雍焯序稱吳侍御伯朋詢得抄本付梓大氏前人
志書徵引諸書不載出典又不能搜討碑碣佚文僅據舊
編增廣新聞而泰安每一守至輒改作志書題詠滋繁掌
故刪落是志乘之通病金素中郡伯以名人莅任下車卽
以儒術節吏治旣臻政通人和乃取舊志徵實更新之所
載故迹具有古書名目是正舛誤搜尋金石增廣遺文軼
事凡數十百條間以已意爲之考辨時郡伯以賢能調守
濟南歷四載而書始成又三年而郡伯以親老告養去僑
居常州移書常州守請歸板于東省郡伯終母喪後竟不
出往來江湖間以文藉自娛其致如此泰山爲上古至周
秦封禪考績之所我

國家

列聖省方必以展謁岱宗釋奠孔林爲首務

天章照耀巖麓不有紀述不足彰茲山遭遇之盛至于深林邃
谷荒祠古墓前人遊歷之所不能至必俟屏斥車騎懷鉛
砥筆始能搜奇領異洵非郡伯之愛索好古異乎俗吏之
所爲不能成是書也世之爲政者莫不以理積案整頓地
方爲己任而視文學爲不急之務夫不知善亦必不視案
牘案牘積則事多叢脞不考古則不更事不更事則不能

泰山志

孫序

一

通今將謂之不學無術尚得託名勤政耶吾故嘉郡伯之
爲是書而知其善政之能百廢具舉也至郡伯先守衝劇
繼且領袖三齊能勇退以修孝養居心行政卓卓在人耳
目無俟予之贅述云

嘉慶戊辰歲中秋後五日

賜進士及第山東督糧道前署山東布政按察使

誥授通奉大夫陽湖孫星衍撰

泰山志

凡例

- 一志列紀圖志記用標篇目規撫史例式昭體要
- 一網羅舊聞考訂闕失悉依經史並掌故諸書及省志府縣志舊泰山志本諸舊文庶免蹈空之誦
- 一崇體例志泰山則在山言山不侈虛幻不妄搜羅山川必詳郡邑從略
- 一志泰山首作總敘星野仿宋敏求長安志例臚列古書引證明確可爲典故
- 一志支山舊志如靈巖琨瑞新甫諸山以爲非泰安所隸闕而不書蓋志泰山非志郡邑可比茲特詳備以

泰山志

凡例

資博覽

- 一秩祀封禪典禮攸關悉本諸史本紀列傳並郊祀禮樂等志以及散見於他書者俱薈入焉以資考據
- 一舊志藝文志所載詩文今悉歸山水各景之下庶觀者易於披覽

- 一明汪子卿志載郡邑曰岳治臚列循吏選舉列女失之太繁朱孝純圖志以爲載郡邑則與府縣志無別竟削而不書又失之太簡漢立奉高以奉泰山之祀則志泰山郡邑不可闕也茲列其大槩以備考証並以別於府縣志云

- 一維嶽降神篤生賢哲人物不可不志也凡史傳載泰

山人者皆彙入焉卽以隱逸仙釋附後

一金石可資考証是以不憚博採詳稽取爲方志之要
一郡邑志每卷多爲小敘勦襲瑣碎望之刺目今悉掃
棄總之以敘錄庶歸簡要覽者自詳

一前人如王世貞李化龍邊貢于慎行鍾惺顧炎武俱
有摘禁之書久奉檄查削今所錄皆無違礙所以遵
功令也

一明汪子卿志誤以劉寔傳伏爲泰山人按晉書劉寔
傳平原高唐人也北齊書傳伏傳大安人也北魏書
地形志大安屬朔州相去甚遠蓋誤以大安爲太安
耳况北齊時泰安爲東平郡邑曰奉高直至金初始

泰山志

凡例

二

稱泰安軍則彼時何有太安之名也黃鈴縣志羊烈
傳云祖靈引按北齊書羊烈傳父瑩字靈珍與靈引
爲昆季則烈爲靈引從子不應誤以爲祖孫也朱孝
純圖志云唐開元十三年詔封泰山神爲齊天王謂
齊天王之稱見冊府元龜而唐書通考俱爲天齊冊
府元龜爲景德御纂唐書修於嘉祐宋末始有通考
當以元龜爲據云云今按杜佑通典山川篇云天齊
王通典乃唐代之書可證冊府元龜之誤又以田遊
巖爲隱居泰山按唐書田遊巖京兆三原人入太白
山又入箕山高宗幸嵩山親至其門無隱居泰山之
語一一辨明附此正誤

凡例畢

特授江蘇常州府正堂加十級隨帶軍功加五級紀錄十次蔣 爲
移送事嘉慶十三年九月初一日准

前任山東濟南府正堂金 札稱 做府 前離閩嶠承乏岱

陽案牘餘閒謬稽圖籍竊惟岱宗者帝出乎震惟嶽降神
蟠元氣於九垓攝威靈於庶彙不崇朝而合膚寸萬物資
生闢洪濛而鎮大千高山仰止雖金泥玉簡

聖朝不侈封禪之文而輯瑞燔柴古牒實重虞巡之典山林山
澤掌在職方地事地圖司於誦訓是以不揣謏劣廣事搜
羅遠考典章近徵文獻以朱孝純之圖志爲之宗講劍光
之道理爲之據上紀

奎章下逮逸事山川脈絡金石琳瑯凡有可徵無不具載作紀

泰山志

三卷圖一卷志十卷記五卷敘錄一卷謹備

鸞輅東巡庶守斯土者足以詔地事而詔觀事焉書作於乙卯

成於戊午會 做府 量移省會未及鐫梨及庚申罷郡侍養

南歸始就編纂付諸剞劂又以驚心風木息影枌榆數閱
星霜時懷鉛槧自維衰朽難效馳驅而惟此方策合貯名
山弄諸茅衡恐淪醬醃茲特將泰山志輯成書二十卷書
板四百三十三片貯爲八箱賚呈冰案敢求鈞檄移會泰
安府轉發泰安縣飭岱廟住持道士具領收貯以垂久遠
不勝厚幸等由准此擬合備文移送爲此合移

貴府請煩查照轉行泰安縣將移到書籍板片飭交岱廟
住持承領收貯俾徵稽攷仍望賜覆施行須至移者

右

移

山東泰安府正堂徐

嘉慶十三年九月

日移

泰出志

二

泰山志目錄

卷一

天章紀 文

卷二

天章紀 詩

卷三

盛典紀 繪音 儀注 告文 奏疏附
駐蹕官亭 賜金玉寶器

卷四

圖考

卷五

岱志 總敘 星野 山脉總論

泰山志 目錄

卷六

岱志 岱陽 岱頂

卷七

岱志 岱陽之東 岱陽之西 岱陰之東 岱陰之西 岱陰

卷八

支山志

卷九

川泉志

卷十

祠廟志

卷十一

秩祀志

列代巡狩

祀典

儀注

卷十二

封禪志

卷十三

郡邑志

因革官制
古蹟塚墓

疆域
署廨

形勝
學校

風俗
田賦

城池
物產

卷十四

人物志

卷十五

金石記

秦唐

漢後梁

晉後唐

東魏石晉

北齊

卷十六

泰山志

目錄

二

金石記

宋

卷十七

金石記

宋

金

卷十八

金石記

元

明

卷十九

逸事記

卷二十

敘錄

案謹按水經注引泰山記泰山郡記其書俱不存明嘉靖間有順天府學教授汪子卿撰泰山志四卷其後查

道隆易其名曰岱史

國朝乾隆甲午歲有知府朱孝純輯泰山圖志一十四卷
皆未稱完備榮仰承

恩命典郡泰安恭逢

聖治邇隆

重熙累洽黎民樂育年穀屢豐榮不敏謹纂輯泰山志二十

卷作紀三卷圖一卷志十卷記五卷敘錄一卷謹備

聖天子鑿輅東巡竊附周官士訓掌道地圖以詔地事誦訓
掌道方志以詔觀事之義焉

嘉慶三年歲在戊午五月朔日山東泰安府知府金榮識

泰山志卷第一

朝議大夫山東泰安府知府臣休寧金榮恭錄

天章紀一

聖祖仁皇帝御製文

泰山龍脈論

古今論九州山脈但言華山爲虎泰山爲龍地理家亦僅云泰山特起東方張左右翼爲嶂總未根究泰山之龍於何處發脈朕細考形勢深究地絡遣人航海測量知泰山實發龍於長白山也長白縣巨鳥喇之南山之四圍百泉奔注爲松花鴨綠土門三大江之源其南麓分爲二幹一幹西南指者東至鴨綠西至通加大抵高麗諸山皆其支

泰山志卷一

天章

裔也其一幹自西而北至納祿窩集復分二支北支至盛京爲天柱隆業山折而西爲醫巫閭山西支入興京門爲開運山蜿蜒而南磅礴起頓巒嶺重叠至金州旅順口之鐵山而龍脊時伏時現海中皇城鼉磯諸島皆其發露處也接而爲山東登州之福山丹崖山海中伏龍於是乎陸起西南行八百餘里結而爲泰山穹崇盤屈爲五嶽首此論雖古人所未及而形理有確然可據者或以界海爲疑夫山勢聯屬而喻之曰龍以其形氣無不到也班固曰形與氣爲首尾今風水家有過峽有界水渤海者泰山之大過峽爾宋魏校地理說曰傳乎江放乎海則長白山之龍海而爲泰山也固宜且以泰山體位證之面西南而背

東北若云自函谷而盡泰山豈有龍從西來而面反西向乎是又理之明白易曉者也

南巡筆記

康熙甲子春日有以時值上元請行封禪及巡狩燔柴諸典禮者夫朕涼德菲躬臨御海寓邇年以來水旱兵戈民亦勞止雖邀天庇祐四海蕩平萬姓樂業實未有豐功偉烈足以昭示來茲何敢效法前人銘功紀德至于巡狩古天子所以周省侯國使諸侯肆覲明堂考其政績今天下之權統一於內督撫之賢不肖朕皆得而知之又無事於巡狩之名也惟是近畿郡邑屢經巡幸補助時施而東南黎民風俗尚未周知乃於秋九月陳請

泰山志卷一

天章

二

兩宮暫違定省二十八日出京師經河間過德州闕濟南城觀

趵突泉題曰激湍百姓遮拜馬首戶口繁盛比屋可封昔稱臨淄之間肩相摩轂相擊者今尚有遺風焉十一日至泰山石徑峻嶒緩步登陟四十里御帳崖瀑水懸流五大夫枯松猶在巖畔或亦後人繼植者入南天門捫秦時無字碑至孔子小天下處真可收羅宇宙暢豁襟懷題普照乾坤雲峯諸字宿泰山巔月色清朗賦詩遣興來日登日觀峯看扶桑日出下山祀於嶽廟嶽爲五方之長發生萬物故躬祀之爲蒼生祈福十三日雨雪駐蒙陰縣侍臣云明日小雪喜其應候詰朝雪霽望蒙山峯頂半入雲霧或隱或現其上石衣土人攀縋取之名蒙山頂上茶嘗考四

川雅州有蒙山五峯極高峻上產甘露茶世所傳者或雅州之蒙山也渡沂水取魚鮓多且鮮因遣使馳進

兩宮以志思戀之懷蒔花鋪青淮之界居人輻輳十八日發宿遷縣閱黃河北堤岸一百八十里頻年水患工役浩繁民俗罷敝不若山左之庶饒渡河過清浦淮安府商賈往來舟楫如織寶應縣高郵州邵伯鎮皆以湖水泛濫未復故道居人草屋臨流牀竈半在水中朕甚憫焉登岸步行十餘里親察水勢召集耆老秀才細訪其故皆云自海口壅塞水無所歸二十年來田畝已成巨浸賦詩紀事思所以拯濟之二十三日抵維揚市肆繁華園亭相望遊平山堂天寧寺百姓持香夾道意甚誠敬平山堂乃宋臣歐陽修

所建修以文學侍從之臣出知揚州爲政之暇優游談讌傳爲佳話故朕詩有文章太守心偏憶之句二十四日將由儀真幸江寧府忽遇順風可以速達京口遂乘沙船順流而下波恬浪靜瞬息七十里沙船江中戰艦也自岳州長沙用兵以來多得其力今河海清晏當時戰具僅供渡江之用然安不忘危朕於此時未嘗不念艱難用武之際次早登金山孤巒隱岫屹峙大江中飛閣流丹金碧照灼更有一峯離立曰善才石郭璞墓在其西上有妙高臺留雲亭朝陽洞下有中泠水稱天下第一泉朕率扈從諸臣一一探眺縱目千里題江天一覽四字并賦二詩竹林禪院在鎮江府城南五里曲徑逶迤茂林修竹高者四五丈